

Tajuk : Badminton: Empat pemain negara melangkah ke pusingan pertama

Badminton: Empat pemain negara melangkah ke pusingan pertama

KOTA SAMARAHAN:

Empat pemain perseorangan negara melayakkan diri ke pusingan pertama Kejohanan Antarabangsa Malaysia Maybank berlangsung di kampus Universiti Malaysia Sarawak (UNIMAS) di sini bermula semalam setelah melepas pusingan kelayakan.

Chin Wai Kin terlebih dahulu menarik nafas lega setelah berjaya mengejutkan pilihan kelapan, Alcala Mark Shelley dari Filipina dengan 21-10, 21-14 dalam perseorangan lelaki.

Turut mara ialah Wong Kin Yik yang menewaskan rakan sepasukan Jaafa Ikmal Hussai dengan tiga set 17-21, 21-14, 22-20.

Lim Chiew Sien pula melayakkan diri ke pusingan seterusnya setelah menggenepikan rakan sepasukan, S. Kisona yang juga pilihan pertama dengan 22-20, 21-19 dalam perseorangan wanita.

Jejak beliau disertai oleh M. Thinaah yang menumpaskan Tew Jia Jia, pilihan kedua kejohanan juga dari Malaysia dengan 21-12, 23-21.

Sementara itu, beregu



PADU: Wong Kin Yik melakukan 'smash' terhadap Jaafal Ikmal Hussai dalam perlawanan perseorangan lelaki semalam. Wong menang 17-21, 21-14, 22-20 dan mara ke pusingan pertama. — Gambar Chimon Upon

Roysten Habirin dan Wee Fook Jong melangkah ke saingan utama setelah menang ke atas pasangan Kang

Yi Gwee dan Man Hung Woon juga dari Malaysia dengan 21-19, 21-13.

Hari ini, pilihan pertama

Muhammad Hafiz Hashim akan turun menentang pemain India, Akbar Panji.

Turut memulakan saingan hari ini ialah Zulfadli Zulkifi, pilihan keempat yang akan menentang pemain Filipina, Christopher Flores.

Johan Terbuka Pahang, Misbun Ramdan Mohamed Misbun pula bakal berdepan dengan Senatria Agus Setia Putra dari Indonesia manakala Mohamad Arif Abdul Latif yang menduduki ranking ke-46 dunia akan bertemu dengan Quang Tuan Bui dari Vietnam.

Pemain veteran, Wong Choon Hann pula bakal berdepan pemain Bahrain, Heri Setiawan.

Saingan perseorangan wanita pula menyaksikan pilihan pertama dari Malaysia, San-natasah Saniru bakal bertarung dengan Linda Agnes dari Indonesia manakala pilihan kedua, Lydia Li Ya Cheah akan bersaing dengan Suwarno Renna juga dari Indonesia.

Kesemua perlawanan diadakan di Dewan Universiti Malaysia Sarawak (Unimas).